

本草彙言

本草彙言卷之四

錢塘

倪朱謨純字甫集選男倪洙龍沖之氏藏稿

沈

瑄西與甫校正

草部

限草類下

生地黃味甘氣寒無毒氣薄味厚沉而降陰也入手足少陰厥陰及手太陽經酒浸上行外行日乾者平火乾者溫功用相同蒸熟者溫平而補少滯氣泥膈惟和砂仁酒再蒸乃佳

陳藏器曰地黃出江南懷慶及浙杭今咸陽渭城亦有以江南者爲上二月生苗高者不及尺餘低者僅四五寸葉似車前葉上有皺文而毛濇又似小芥葉而頗厚中心縱紋如撮莖上有細毛莖稍開小筒子花紅黃色亦有紫色白色者結實如小麥粒甚細而色沙褐根長四五寸如人手指通黃色粗細長短不一間有枝重一

本草彙言

卷四 生地黃

一

兩外者汁液最多雖暴焙極燥則轉潤古人種子今
惟種根入土即生種宜肥壤寬地則根大而多汁液其
法以葦席圍編如車輪徑丈餘以土實葦席中為壇壇
上又以葦席實上為一級比下壇徑收一尺如此數級
乃以地黃根節寸斷之貯壇上月層令滿逐日澆令
茂盛至春秋分時自上層取之根皆長大而不折折不
被墜傷故也本草以二月八月采根殊未窮物性八月
殘葉猶在莖中精氣未盡歸根二月新苗已生根中精
氣以上滋于葉不知正月九月采者氣全也又曰江浙
種者受南方陽氣質雖光潤而力微懷慶山崖種者稟
北方純陰皮有疙瘡中有花心而力大也李時珍曰鮮
地黃搗汁治吐血熱疹及傷寒陽毒熱極其性涼日曝
乾者為生地黃其性平蒸熟色純黑其性溫補蒸熟地
法取地黃百觔擇肥大者六十觔洗淨土氣曝令微乾
以揀下者四十觔亦洗淨木石臼中搗爛絞汁拌前曝
乾地黃日中再曝乾甌上蒸半日即成熟地黃矣生乾
地黃與熟地黃惟取粗大者為作如細小者恐能
滑脾胃惟入瘧瀉藥料中解熱涼血常用之

○地黃涼血補血之藥也生則入于少陰涼血而生血熟

則入足少陰補血而滋陰所以嘔吐咯衄唾血之證非

此不除驚悸怔忡煩熱之證。非此不效。蓋心腎之要藥也。復入厥陰肝經。生則涼血而明目。熟則補肝而益膽。但入少陰心。與太陽小腸經。爲陽分之藥。宜生而不宜熟。是以崩漏淋帶吐血衄血溺血便血瘡疥熱血或胎動下血。或小便赤澀。大便閉結諸證。當以涼血解熱降火潤燥之劑。生地黃足以治之。入少陰腎經。爲陰分之藥。宜熟而不宜生。是以陰虛不足。血氣有虧。情慾斲喪。精髓耗竭。腎水乾涸。或血虛勞熱。或產後血分虧損。或大病之後。足膝乏力。諸證。當以補血滋陰。益腎填精之劑。熟地黃足以補之。

又按生地稟仲冬之氣。得土之正色。合地之堅凝。爲補

腎要藥益陰上品。故涼血補血有功。血得補則筋受榮
厥得之而骨強力壯。又胎產勞傷皆血之愆。血得其養
則胎產獲安。又腎開竅于二陰而血主濡之。二便所以
潤也。熟地稍溫。其功更溥。六味丸以之爲首。天一所生
之本也。四物湯以之爲君。乙癸同源之義也。久病陰傷
新產血敗。在所必需者也。但二地之性涼而泥膈。凡產
後惡食作瀉。雖見發熱惡露作痛。不可用。誤用則泄不
止。胃氣者。後天元氣之本也。胃困則飲食不運。精血不
生。虛熱何自而退。凡見此證。宜多用炮薑。桂心。人參。白
朮。必自愈也。凡陰虛咳嗽。內熱骨蒸。或吐血等候。一見
脾胃薄弱。大便不實。或天明溏泄。產後泄瀉。產後不食。

久病不食，俱禁用。地黃。凡胸膈多痰，氣道不利，升降窒塞，藥宜通而不宜滯。湯丸中亦禁入地黃。設有氣證，當用而不可無者，則以桂心少佐可也。痰證當用而不可少者，則以薑汁拌炒可也。

盧不遠先生曰：地黃，別名地髓，苗不能高，生意在根，味甘色黃，沉重多汁，當入脾。為脾之腎藥，熟之則色黑，能入腎填髓，反為腎之脾藥。形如血脈，本經用主傷中，填骨髓，長肌肉，療折跌絕傷諸疾。思其命名地髓，質潤膏肥，可知矣。又謂逐血痺，除寒熱積聚者，何耶？蓋血者，取中焦水穀之液，變化赤色，以行經隧，如水如汁。如經隧皆象其形，痺者閉而不通，隨其血之不通而為病。如在

目則赤。在齒則痛。在肉則癰腫。在心則昏煩。在肺則欬血。壅遏而爲身熱。枯耗而爲燥。濇痿軟。泥濇而爲吐衄。崩漏。血痺。頗廣。各以類推。逐者。俾其流通之義也。觀其入土易生可知矣。鬚髮爲血脈之餘。血痺則黃赤。易見。河使之黑者。痺去而血華也。性惟潤下。功力到時。便通利。以爲外徵。如血中有痺。則骨髓不滿。肌肉不長。筋脈斷絕。均謂傷中。若填滿若生長。若接續皆克成血液之流通者也。所云寒熱積聚。惟從痺字中生。第加一轉語耳。因彼不通。所以積聚。若作五積六聚。用此黃以除之。未有不反益其積聚者。如寒中陽虛胃弱之證。在所必忌。否則膩膈滑腸。中滿減食矣。

陳廷采先生曰。按丹溪方云。氣病補血。雖不中病。亦無害也。讀之不能無疑焉。夫補血藥劑。無逾地黃當歸。若服過多。其性纏滯。每于胃氣。亦有虧爾。嘗見胃虛氣弱。不能運行。血越上竅者。用此合成四物湯。以爲涼血補血之劑。多服調治。反致胸膈痞悶。飲食少進。上吐下瀉。氣喘嘔血。日漸危迫。去死幾近。此皆因血藥傷其沖和胃氣。安得謂無害耶。大抵血虛固不可專補其氣。而氣虛亦不可過補其血。所貴認證的真量劑。佐助庶幾不失于偏損也。

○集方。方脈正宗卷四治血崩血漏血淋血帶。不拘新久。用地黃三觔。煎濃汁數碗。再加川黃連。真阿膠。丹參。牡丹皮。人參。各一

兩同汁煎稠。瀘去渣。緩火慢煎。熬成膏。每早晚各服十

餘匙。白湯下。如久病虛極。本方再加鹿膠四兩。如法服。

○治吐血不止。用生地黃、鳩汁一升二合。入真鹿角膠

三兩。砂鍋內煎。以膠化盡為度。每服一二杯。○治心熱

吐衄。以脈數能食者。用生地黃汁一升。入酒煮大黃膏。

一兩。同熬將稠。瀘去大黃。以生地膏汁頻頻飲。○治鼻

出衄血不止。用生地黃和地龍共搗成膏。以薄荷湯調

服。每次半盞。徐徐飲即止。○治吐血便血。以生地黃汁

一升。銅器煎沸。入牛皮膠一兩。待化。再入薑汁半盞。分

五服即止。或絞轉一次不妨。○治腸風下血用生地黃

酒浸。莫鳩膏三兩。北五味子、薑炭各一兩。蒼朮二兩。共

爲末，搗和地黃膏爲丸。每早晚各服三錢。○治小便血
以生地黃三兩，建蓮肉二兩，麥門冬去心一兩，水五碗
煎一碗，徐徐服。○治諸瘡熱血痛痒，用生地黃土茯苓
各三兩，金銀花紫花地丁各一兩，枸杞子四兩，用水十
碗煎四碗，徐徐飲。○治胎動下血，用生熟地黃四兩，甘
草五錢，雞子清十箇，共煎汁，徐徐飲。○治小便赤澀癢
閉，用生地黃一兩，茯苓車前子各五錢，燈心百枝，水煎
如熱甚，加川黃蓮一錢。○治大腸血熱血燥，虛閉不通
以生地黃八兩，酒水各四碗，煎汁飲。○治陰虛不足，腎
水乾涸，用熟地黃山茱萸枸杞子白茯苓麥門冬鼈甲
膠龜板膠人參知母。○治產後血分虧損，精神衰憊，用

熟地黃。杜仲。當歸。白朮。白芍。丹參。黃耆。枸杞子。阿膠。○
治大病後。足膝乏力。精神困倦。用熟地黃於白朮。黃耆。
麥門冬。石斛。枸杞子。山藥。山茱萸。○治心虛驚悸。怔忡。
健忘。用熟地黃。人參。遠志。麥門冬。酸棗仁。栝子仁。茯神。
甘草。○治產後一切血虛發熱。用熟地。當歸。川芎。蒲黃。
炒黑豆。炮薑。澤蘭。益母草。牛膝。續斷。杜仲。鹿角膠。○治
鬚髮黃白不黑。用熟地黃。何首烏。桑椹子。甘菊花。蜀椒。
○治小兒齒牙不生。用熟地黃。鹿茸。五味子。人參。人乳
粉。白茯苓。○治婦人經事不調。用熟地黃。白芍。藥。當歸。
身。川芎。阿膠。蘆艾。香附子。○治男婦子嗣虛。必用熟地。
黃。人參。枸杞。五味子。麥門冬。鹿茸。車前。覆盆子。兔絲子。

○治男婦精血不足用熟地黃沙苑蒺藜肉從蓉鹿茸
山茱萸北五味子。○二地入瓊玉膏爲陰陽兩補之劑。
○治肝腎一經目疾用懷慶大生地一觔酒洗淨真甘州
枸杞一觔用淡水砂鍋內煎汁以渣無味爲度去渣將
清汁裝大瓶內重湯煮以汁十耗其九入煉蜜六兩收
入淨磁瓶內早晚白湯調服十餘茶匙。○治多思謀慮
心神不寧不能眠者用懷生地麥門冬俱酒煮搗膏棗
仁茯神丹參沙參各二兩竹茹遠志甘草北五味子各
二錢俱炒過共爲末和入麥冬地黃膏內煉蜜爲丸如
彈子大每早晚各服一九此藥安養心神滋陰補腎有
水火既濟之妙。

六味丸

治形體虛弱五癆齊損腎氣久虛癆汗發熱無

腎虛發熱自汗盜汗血便血陰虛津液不降水泛為

濕濁收精氣之虛候定安火之用熟地黃八兩酒煮搗

膏山茱萸肉山藥白茯苓各四兩牡丹皮澤瀉各二兩

俱為細末和入地黃膏內煉蜜丸梧子大每早服五錢

白湯下

加肉桂便製附子各一兩名八味丸

治命門火衰不能

寒飲食少思大便秘不實

或下元冷感臍腹疼痛

加牛膝車前子名金匱腎氣丸

治脾腎虛腰重脚腫肚

不利或喘急痰壅已成水腫脹為之證非此藥不能救

腹脹滿四肢浮腫小便

不利或喘急痰壅已成水腫脹為之證非此藥不能救

牛膝。味苦微甘。氣寒。性滑無毒。味厚氣薄。陰也。降也。入足

三陰經。引諸藥下行甚捷。

別錄曰。牛膝生河內川谷及臨朐。江淮。閩。粵。川。陝。等處。蔡州者。最長大柔潤。其莖有節。節大者為勝。河北者。色白。然不及懷慶者為妙。家栽時者為良。冬初收子。至春種之。春生苗。方莖高二三尺。紫色。有節如鶴膝。葉皆對生。頗似莧而長。且尖。前秋。月節上開花成穗。結實如小鼠負蟲。有耑毛。貼莖倒生。根柔潤而細。一直生下。長者約二三尺。九月采根。洗淨。日乾用。凡使須去蘆頭。酒浸。公藥。又蘇州者。色紫。與江浙並稱。土牛膝。性寒。破血通經。利小便。閉濁淋瀝。諸證。

○牛膝。健腰膝。壯筋脉。活滯血之藥也。其滋補筋脉之功。

如牛之多力也。入厥陰。少陰。二經。主風濕寒熱之邪。留

滯血。軀肢節之間。醞釀成熱。為病痿痺。向攣。不可屈伸。

腰膝軟弱。脚氣腫脹。或夢遺精滑。淋濁澀痛。或產後惡

血留滯不行。或瘡疾久發。血氣凝澁。是皆足三陰風濕寒熱之邪。壅閉成痺之證。惟牛膝可以治之。又逐瘀血通經脈。落死胎。消癰腫。續折傷。散喉痺。止尿血。林脹。及男婦意念所動。積鬱成勞。血敗精凝。諸病是皆足三陰氣滯血瘀之證。惟牛膝可以行之。大抵牛膝之劑。功在去風活血。故腰膝骨病。與痛風在下者。宜多用之。欲其補腎滋肝。必倍杞朮。歸地。山茱萸。鹿角膠。可也。然誤用傷血墮胎。經閉未久。疑似有娠者。勿用。上焦藥勿用。血崩不止者。勿用。胃寒脾泄者。勿用。

繆仲淳先生曰。牛膝體燥性潤。獨理肝腎二經。肝爲血海。而主筋。血海得潤。則經脈通。而攣急者解矣。又骨者。

腎所主也。腰者腎所府也。精者腎所藏也。小便者腎所司也。理腎則衆疾咸安。淋濁澀痛之患除矣。有墮胎者以其破血下行耳。

○集方治腰脊軟弱疼痛及一切痿痺四肢拘攣筋骨牽

比下九方見方脈止宗

強不能屈伸用牛膝一觔白朮仙茅木瓜石斛石楠葉

五加皮草薺生地黃黃耆白芍藥虎骨杜仲續斷黃梅

白蘚皮各四兩酒浸蒸飲或作小丸每早服三錢白湯

送亦可○治一身血脈壅滯爲腫爲脹爲喘痛用牛膝

八兩川貝母蘇製半夏各二兩肉桂五錢共爲末每早

晚各服三錢白湯調送○治風寒濕熱四氣相合爲病

脚氣腫脹難履用牛膝十兩草薺蒼朮石斛木瓜各三

兩龍膽草一兩分撮十劑水煎食前服○治鶴膝風用
朱膠木瓜五加皮骨碎補金銀花紫花地丁黃栢葶藶
甘菊根水煎服○治夢遺精滑淋濁或莖中澀痛用牛
膝二兩遠志蓮肉生地黃甘草滑石牡蠣粉各五錢共
爲末燈心湯調服○治小便不利莖中痛欲死兼治婦
人血結腹堅用鮮牛膝三四兩白酒煎濃服之立愈○
治產後惡血留滯不行用牛膝紅花各一兩乳香沒藥
當歸尾川芎玄胡索五靈脂各三錢草烏二錢酒洗炒
水煎服○治久瘰不愈用牛膝白朮鱉甲當歸半夏各
五錢生薑五片黑棗五箇水煎服○治婦女經水不調
用牛膝當歸各四兩爲末煉蜜丸食前白湯下五錢○

治胎死不下。或胞衣不出。用牛膝八兩。冬葵子一合。朴

硝五錢。當歸尾一兩。水六升。煎二升。分三次服。○治熱

毒癰腫。或卒得惡瘡。不辨識者。用新鮮土牛膝八兩。搗

爛取汁。和生白酒飲。以渣敷毒處。可滅大勢。○治跌打

閃胸折傷。節骨用牛膝當歸尾各八兩。水煎頻頻飲。可

止痛消腫。續折。○治喉痺。乳蛾。用鮮牛膝根一握。艾葉

七片。搗和人乳汁。灌入鼻內。須臾痰涎從口鼻出。即愈。

○治小便帶血。用牛膝四兩。生地二兩。水煎頻頻服。立

止。○治婦人陰痛。用牛膝五兩。酒三升。煎取一升。去渣

溫服。○治生胎欲去。用牛膝一握。搗以無灰酒二碗。煎

八分。空心服。仍以獨根土牛膝。塗麝香。插入牝戶中。○

一治消渴不止。下元虛損。以牛膝五兩。生地黃五兩。水煎。徐徐服。久服。黠顏色。黑髮。髮津液自生也。○治金瘡。作痛。用牛膝生搗敷。立瘥。

海上方。治眼科諸疾。用川牛膝五錢。蟬退。甘菊花各三錢。燈心二十根。水煎服。○治暴發赤腫者。暴赤失明者。暴主翳膜者。暴發風淚者。暴發疼痛連及頭腦者。發熱惡寒嘔逆者。俱加荊芥薄荷。白芷。前胡。羌活。防風。乾葛。黃芩。木賊。白蒺藜。葳蕤。甘草。內熱甚者。加石膏。黃連。大便秘結者。加酒煮大黃。如久病目昏冷淚。黑花視物。目珠痠痛。或勞傷目力。或色慾傷神。俱加生熟地黃。當歸。川芎。枸杞。知母。白朮。黃耆。甘草。白芍。葳蕤。麥冬。

紫苑味苦氣溫無毒入手太陰兼入足陽明經

蘇氏曰紫苑生漢中房陵山谷及真定邯鄲今近道亦有三四月布地生苗其葉二四相連五六月開黃白紫花本有白毛結黑子根極柔潤色紫有節宛如紫之干垂也又白色者名女苑治瘵相同按陳自明云紫苑以牢山所出根如北細辛者爲良近苑以東亦有之今人多以車前旋覆根以赤土拌染僞充不可不辨修治去鬚頭及土水
洗淨曬乾用。

紫苑順肺氣散鬱結止勞嗽之藥也其色紫其性潤其

味苦辛故本草主欬逆上氣胸中寒熱結氣欬逆肺逆

也胸中肺部也肺中有火清氣爲熱所結內鬱而爲欬

喘痰涎膿血之證外發而爲痿躄體軟脊強之證皆壅

火傷金鬱之病也如別錄治小兒驚癇大人虛損老人

血枯氣燥大便不通悉能治之總解金鬱之用也觀科

門方謂能開喉痺取惡涎則行散之功烈矣而其氣溫如肺病欬逆喘嗽皆陰虛肺熱證也又不宜專用及冬用卽用之亦須與夫麥門冬生熟地黃諸寒潤藥并劑方善

李士材先生曰紫以色名菀以功名菀鬱也解肺金之鬱也又味苦兼辛苦能下達辛可清金故吐血保肺收爲上品雖入至高善于下趨使氣化及于州都小便自利人所不知

○集方治肺傷風寒氣閉咳嗽用紫菀前胡杏仁各三錢生薑三片葱頭三個水煎服○治陰虛勞嗽用紫菀冬花各一兩川貝母百部各五錢共爲末作散每服三

錢北五味五粒，泡湯送下。或蜜丸，噉化亦可。○治虛勞咳嗽，胸脹氣逆，寒熱諸證，用紫苑、銀柴胡、北沙參各三錢，麥門冬五錢，水煎，日服一劑，漸効。○治虛勞肺癰，膿血聲音不亮，用紫苑、百合、麥門冬、懷熟地各四兩，煎膏服。○治虛勞肺痿，漸至四肢痿躄者，用紫苑八兩、百合、麥門冬、懷熟地、葶藶於白朮各四兩，爲丸，食前服三錢，漸効。○治小兒欬嗽聲不出者，用紫苑、杏仁等分爲末，煉蜜丸，如芡實大，每服一九。北五味子三粒，泡湯化下。○治小兒驚癇，用紫苑煎湯，調抱龍丸立効。○治產後下血，用紫苑末，水煎服。○治婦人小便卒不得出者，用紫苑爲末，三錢，白湯調服，卽通。又小便出血，服五錢立

止。○治纏喉風閉不通欲死用紫苑半莖洗淨納入喉中待取惡涎出立瘥更以馬牙硝五分用津唾嚥下卽除根。

續補方。治婦人手足麻痺不仁是七情六鬱滯經絡也。用紫苑四錢紫蘇陳皮香附烏藥川芎各一錢白朮半夏當歸薏苡各二錢桂枝紅花甘草各七分黑棗三個水煎服。○治婦人癲疾歌唱無時踰牆走屋不避親疎是七情六鬱繫結所致乃瘀血凝痰迷于心包絡也。用紫苑三錢柴胡半夏膽星蘇木桃仁各二錢白芥子白朮當歸川芎生地黃酸棗仁各一錢五分水煎服臨服時調辰砂末三分。

麥蘖冬。味甘微苦。氣寒。質滯無毒。人足陽明。兼手太陽。

陰經實陽明之正藥也。

李時珍先生曰。麥蘖曰蘖。此草根似麥而有鬚。其葉如非。凌冬不凋。故謂之麥蘖冬。從門。便于字也。可以服食。救饑。故又有禹餘糧之稱。又按別錄。葉如非。冬夏長。生函谷川谷。及隄坡。肥土石間者。多野生。出江寧新沂。及仁和。寬橋者。多種。時。七。九。十一。月。上。黃。及。耘。漚。次。年。夏。至。前。收。采。前。人。嘗。用。野。生。者。細。葉。香。美。宛。如。麥。粒。功。力。更。勝。也。四。季。不。枯。秋。冬。根。葉。轉。茂。叢。生。如。非。青。似。沙。草。長。尺。餘。多。縱。理。四。月。開。花。如。麥。結。實。翠。綠。如。珠。根。鬚。盡。冗。如。蠟。黃。鬚。連。絡。儼。若。瓊。珎。色。白。如。凝。玉。中。心。堅。緻。最。多。脂。液。也。修。治。以。熱。湯。潤。軟。抽。去。中。心。用。如。作。丸。酒。蒸。爛。搗。膏。

入藥內。

○麥門冬。清心潤肺之藥也。主心氣不足。驚悸怔忡。健忘。

恍惚。精神失守。或肺熱肺燥。咳聲連發。肺痿葉焦。短氣。

虛喘。火伏肺中。咯血咳血。或虛勞客熱。津液乾少。或脾。

胃燥涸。虛秘便難。此皆心肺腎脾元虛火鬱之證也。然而味甘氣平。能益肺金。味苦性寒。能降心火。體潤質補。能養腎髓。專治勞損虛熱之功居多。如前古主心腹結氣傷中傷飽。胃絡豚絕。羸瘦短氣等疾。則屬勞損明矣。故孫真人方。治六七月間暑熱方熾。人病汗多氣乏筋弛骨怯。甚則軟痿無力。用生豚散。以麥門冬配人參。北五味子。補其天元真氣。復豚通心。又與熟地黃。枸杞子。龜甲。阿膠。黃耆。白朮。同爲潤經益血之劑。但火盛氣虛之人。服之相宜。若久病虛寒泄瀉。痘疹虛寒泄瀉。產後虛寒泄瀉。胃滯濕痰泄瀉。咸忌之。

王紹隆先生曰。麥門冬。具稼穡甘。稟春和令。當入足陽。

明爲陽明之體用藥。故本經所陳諸證皆屬陽明之上。
爲病若痿歷又屬陽明之下爲病。經云陽明爲闔闢折。
則氣無所止息而痿疾起矣。是以治痿獨取諸陽明。陽
明爲五藏六府之本。五藏六府皆受氣于陽明。故爾。
盧子由先生曰。保心之神。定肺之氣。安肝之竟。補腎之
精。因脾轉屬者。無所不宜。若肺傷則咳。經絡斷絕。致血
液妄行。經水枯竭。變生煩熱焦渴者。必須潤經益血之
品。其惟麥門冬乎。

○集方。治心氣不足。驚悸怔忡。健忘恍惚。精神失守。用麥
門冬。人參。茯苓。遠志。棗仁。白朮。當歸。甘草。半夏。○治肺
燥作咳。用麥門冬。知母。川貝。母。桔梗。懷生地。百合。款冬。

他藥白麩百部○治肺痿葉焦氣喘麥門冬百

谷米仁款冬花天悶冬紫苑懷熟地楮梗海參○治火

○伏肺嗽咯血咳血衄吐血衄血用麥門冬知母治地黃

各半兩煎膏不時徐徐用白湯調服不可蜜收○治虛

勞客熱用麥門冬一筋蒸濃汁時時飲○治心肺虛熱

虛勞客熱用麥門冬五兩北五味北沙參知母川貝母

各三兩○治脾胃虛燥便難用麥門冬當歸身懷熟地

各四兩麻仁桃仁杏仁萹白各去外皮各一兩搗如泥

其為丸每食前服五錢○治消渴飲水不止用新鮮麥

門冬八兩去心搗當歸州可連二兩為細末和入麥門

冬膏內象手和苑每斤五斤食後米湯下三百丸○

治陽明熱瘧。大渴引飲。用麥門冬三兩。知母二兩。石膏
一兩。竹葉五錢。熬汁飲之。如人虛。加人參五錢。痰多。加
川貝母。橘紅各五錢。○治下痢。口渴引飲無度。用麥門
冬去心五兩。烏梅肉二十箇。以水二升煎濃汁。徐徐呷
之。○治金石藥發。用麥門冬四兩。甘草一兩。棗豆三合。
三味共爲丸。蜜和。每服三錢。燈心湯下。○治骨蒸勞熱。
用麥門冬四兩。青蒿。鼈甲。牛膝。熟地。白芍藥。枸杞子。北
五味子。胡黃連。山藥。茯苓。山茱萸。各二兩。蜜丸。梧子大。
每服三錢。

補中益氣湯加麥明冬方

治中氣不足或誤服壯伐四肢倦怠口乾發熱飲食無味或飲食失節勞倦身熱脈洪大無力或頭眩惡寒自汗或氣高而喘身熱而煩脈微細軟弱自汗體倦必食或中氣虛弱而不能攝血或飲食不調而患瘧痢等症因脾胃又虛而不能愈者或元氣虛弱感冒風寒不勝發表用此代之或入房而後勞役感冒或勞役感冒而後入房者急加附子恩謂太之一身以脾胃為主脾胃氣實則肺得其所矣肺氣既盛水自生焉木升則火降水火既濟而冷矣地交泰之會矣脾胃既虛四藏既無生氣故東垣先生者脾胃內外傷等論詳詳以因脾胃為本所製補中益氣湯又冠諸方之首觀其立人參黃方本古可知矣故曰補腎不若補脾正此謂也

者白朮各一錢五分當歸一錢甘草八分柴胡七分陳皮六分升麻五分生薑三片黑棗三個水煎服魏止菴加麥明冬二錢更妙予故錄而附之

石龍芮。味苦。氣平。無毒。

子根皮同。

別錄曰。石龍芮生太山川澗。石邊。蘇氏曰。出四川益州。葉芮芮短小。有缺。子綴綴。色黃。味辛。李氏曰。石龍芮有兩種。水中生者。葉光而子圓。陸地生者。葉毛而子鏡。入藥用。水生者為佳。陸地生者有毒。不可食。似水荳。名胡椒菜者。真也。處處有之。多生近水下濕地。高尺許。其根如薺。二月生。莖叢生。莖圓分枝。一枝三葉。葉青而光滑。有三尖。多細缺。四五月開細黃花。結實如大豆狀。又如初生。聚。葉青。綠色。故散則子甚細。如葶藶子。即石龍芮也。宜半老時采之。江淮人三四月采。苗名水荳。淪過晒乾。蒸黑色。為蔬甚美。收采以三月采苗。六月采子。八月采皮。

石龍芮。補陰精。祛風燥之藥也。

不燥

原生水旁。

性寒而潤。

凡相火熾盛。陰躁精虛者。以此充入。諸滋補藥。服食甚良。

故本草主風寒濕熱成痺。有潤養筋脉之功。主補腎益精明目。有育嗣延齡之妙。古方多用之。其功與枸杞覆

益子相等。而世人絕不知用。惜哉。

沈則施先生曰。石龍芮。古方稱爲補劑。而人不知用者。何也。此物原有兩種。水中生者。取用補劑甚佳。而陸生者。形狀與水生者無異。而葉稍有細毛。爲別。另名天參。有大毒。悞食害人。取少葉。揉爛。繫臂上。一宵卽起大泡。狀如火疔。焮赤。一物兩種。善惡懸隔如此。因其形狀稍肖難辨。今人疑畏。故多不用也。

冬葵子味甘氣寒無毒氣味俱薄淡滑爲陽其苗葉根功

用與子相同。

別錄曰葵生少山山中今郊野園圃不拘肥瘠地都自
四時可以子種根亦再發秋深布子覆養經冬者曰
冬葵入藥最良葉作菜茹甚甘美內經云脾之菜也
又云葵爲百菜之味尤甘滑故爲馬腹其子雖經年不
泥微炒令澤炸着濕地遍踏之則種暮生遠不過宿
實如指頂皮薄而扁實內子輕虛如榆莢仁稻必待露
解收必待霜降則黃爛早則黑澁其莖與生莖疎葉
密傾向太陽而不照其根其莖翠其花雖花具五色問
色單瓣于漢王種農書云本豐耐旱可防荒儉以作蔬
腊枯枿可以傍種根子又能療疾咸無遺棄誠菹茹之
要品民生之資益也種類亦多行露葵兜葵黃葵錦葵
蜀葵皆有功用入藥者只宜蜀葵今市肆一種充冬葵
子者氣味渴惡不稠質沉重形如
楮核服之令人傷胃且損脾胃也。

○冬葵子滑腸利竅之藥也故古人主五癃利小便而別

錄又通乳閉出痘頭消水氣滑胎催生此乃流氣脉通

管衛津液爲先鋒也。又按婦科良方云。治乳婦氣脈壅塞。乳汁不行。乳房脹痛。留蓄作癰者。用此藥炒香爲末。熱酒調服三錢。立時消散。則其性之滑利。善行經絡。可知矣。其苗葉作菜食。甘美可口。能去腸胃積熱。若毒痢若癰疹。若痧脹。若黃疸。若腸癰。膿血留難。若服餌丹石熱藥。並宜食之。但性寒。善利。如裏虛胃寒人。并風疾宿疾。天行病後。曾被大傷者。咸忌之。世人但知能發宿疾。不知不許人。有久患害。爲他日卒中之虞耳。

○集方。治大小便不通。必以死者。用冬葵子一升。水二升。煮取半升。納雞子清二箇。頓服。渣再煮。効即止。○治乳汁不通。用冬葵子二兩。炒香。配砂仁。各等分。爲末。熱酒調

服三錢。○治癰疽無頭用冬葵子二百粒白湯吞之當

日即開也。○治水腫身重小便不利洒淅惡寒起即頭

眩用冬葵子茯苓各三兩爲末每服二錢白湯調下。日

三服小便利則愈。○妊娠足月不產或臨產崎嶇難下

用冬葵子一合搗末水一升煮汁半升頓服即產。○治

血毒痢用冬葵子炒黃爲末每服二錢白湯調服。○治

癰疹痲脹用冬葵子二合煮汁溫服。○治黃疸心胸脹

滿用冬葵子炒黃爲末每白湯調服二錢。○治腸癰內

疽膿血脹悶不行用冬葵子二合爲末白湯調服。○治

腹食丹石毒熱等藥用冬葵子菘豆各一合爲末溫湯

調服。○治胎死腹中用冬葵子一合熱酒調服若口噤

林澤瀉

卷四

治胞衣不下

用冬葵子一合牛膝

七

不閉者灌之立甦。治胞衣不下。用冬葵子一合牛膝

一兩水二升煎一升服

蜀葵味甘氣寒而滑無毒陰中陽也

蘇氏曰蜀葵生江南北國園中惟蜀產者更勝葉似葵菜又似絲瓜葉有歧又過小滿歧長莖高五六尺花似木槿而大有深紅淺紅紫黑白蜜合等色又有單瓣千瓣之異昔人謂其疎莖密葉翠萼艷花金粉檀心春頗善狀之惟紅白二色入藥其實似葶薺而屬內仁如馬兜鈴輕虛易種其皮可緝布作繩又一種其花大如五銖錢粉紅色有紫縷文名曰錦葵入藥功用與蜀葵更勝五月人家供于庭前俗云辟祟

○蜀葵錦葵苗葉子功用與冬葵同等茲不復贅惟采根

用治腸胃生癰極驗若方治內癰臍腹冷痛敗血腥穢

不行者用單瓣蜀葵根白芷各一兩枯礬五錢共爲末

以酒溶化爲丸梧子大每空心米湯下二錢待膿盡而

酸漿草苗葉莖味苦氣寒無毒

別錄曰酸漿生荆楚川澤及人家田園中或故墟垣斷
間高二三尺苗如天茄子三月開小白花旋結青殼熟
則深紅殼中子大如櫻桃核熟時亦變深紅核中復有
細子如茄子食之有青草氣也四月采莖葉五六月采
子可
啖食

○酸漿草苗葉治熱毒解煩渴利水道之藥也搗汁服散
黃疸清濕熱其子研爛白湯調服催生立時分娩小兒
食之能除熱疳骨蒸

漆姑草味甘辛氣寒無毒。

別錄曰漆姑草生蜀郡山谷方不入用人無識者所在
平澤有之生陰濕地亦生石縫間葉似菊花子類枸杞
子根如遠志無心有核
三四月採苗葉陰乾用。

○漆姑草治熱血疥癬風毒瘡疹之藥也。觀其苦辛寒烈
苦能泄辛能散前人治一切熱毒惡瘡禿瘡蟲疹及大
人小兒丹毒齩齒并諸蟲毒水成瘡漆毒溪毒等瘡
宜療之搗汁和酒服即見効也。

敗醬草。味苦。氣寒。無毒。乃手足陽明厥陰四經藥也。

陶隱居曰。敗醬。一名苦菜。又名苦蕒。若家本草混入。藥苦實能。葵同條。種類則迥別矣。生江夏川谷。所在溪澗近水處。或高崗上陵。亦有江東人采作菜。漂去苦味。有陳醬氣。故名。李時珍曰。春初嫩苗。踏地。以松葉葉而秋長。有銀齒綠色。而深青淺。入夏葉高一二尺。數寸一節。節間生葉。各起小枝。四散如叢。五月白花。成簇如片。花。蛇床子。花狀。結小實。成簇。其根白。紫色。形似柴胡。八月采。取。曬乾。

○敗醬解鬱熱。破宿血之藥也。甄氏方治癰腫結熱。毒風癩痺。破多年宿血。能化膿為水。善催生。落胞衣。或產後血凝腹痛。及赤熱障眼。努肉凝結。并暴熱吐血。失血丹毒熱毒等疾。但苦寒之物。如久病胃虛脾弱。泄瀉不食之證。一切虛寒下脫之疾。咸忌之。

繆仲淳先生曰。仲景公治腸癰為病。其身甲錯。腹皮急。

按之濡如腫狀腹無積聚身無大熱此為腹內有癰膿
不獨焦燥肺金之形藏并毀敗府合之大腸矣敗醬獨
當其鋒可一鼓而愈也。

李時珍先生曰敗醬善排膿破血故仲景治腸癰及婦
人科血疾古方皆用之極驗乃易得之物而後人不知
用惜哉。

○集方

方脈正字解三焦鬱熱

用敗醬一把

配黃芩甘草各三錢燈

心百根煎服

○治產後宿血

邪氏在血內病

用敗醬二兩沒藥乳

香各三錢當歸川芎各一錢香附續斷俱酒洗各五錢

共為末每早服二錢白湯調服

○治腹癰

邪氏在血有膿

用敗醬

二錢薏苡仁五錢附子八分水三升煎一升頓服大小

便一行卽愈。○治產後血氣流入腰腿小腹痛不可轉側者。用敗醬三錢當歸二錢川芎白芍肉桂各一錢水三升煎一升徐徐服。○治產後腹痛如錐刺不可忍者。用敗醬八兩水五升煮取升半每服二合日三服。○治臨產催生。用敗醬二兩酒水共三碗煎一碗服。○治赤眼障痛并努肉攀睛。用敗醬一握荆芥草決明木賊莖各二錢白蒺藜一錢五分水煎服。○治吐血衄血因積熱妄行者。用敗醬二兩黑山梔三錢懷熟地五錢燈心草一錢水煎徐徐服。

欵冬花味甘辛。氣溫無毒。陰中有陽。降也。入手太陰經。

蘇氏曰。欵冬花。山關中。及雍州。南。奚水。華州。山谷。水潤。潤多叢生。葉似葵葉而大。又如荷葉而斗直。大可容八。卜可容數合。冬月積雪中。開花紅色。一種去上一二寸。出萼如菊。色青紫。通直而肥。開黃色花。花有莖。一也。實氏曰。十一月採花陰乾。須取微見花者。如已開。則無氣。刀揀去向裏裏花。並殼。併向裏實。如粟。殼及枝葉。傅厥云。于仲冬之月。登北山。冰凌盈谷。積雪深。見欵冬。嶺然華。宛寒秀。可謂佳也。

○欵冬花。溫肺潤肺。清肺欵肺。調肺補肺之藥也。故本草

主欵逆上氣。喘嗽喉痺。寒熱邪氣。諸證。以其辛溫而潤。散而能降。補而能收。爲治嗽要藥。于肺無性。無分寒熱。虛實。皆可施用。又得生薑。前胡。白豆仁。可溫肺寒。得天麥門冬。知母。玄參。可潤肺燥。得黃芩。桑白皮。薄荷葉。可清肺熱。得人參。麥門冬。北五味子。可欵肺脫。得蘇葉。桔

梗陳皮杏仁可調肺逆得黃耆人參甘草可補肺虛得
葶藶麻黃桑白皮可泄肺實得百合茯苓甘草枇杷葉
可保肺急得前胡防風杏仁葱白可退肺中寒熱邪氣
得生熟地黃天麥門冬知母貝母可療肺中痰血咳嗽
爲調肺之總司治嗽之良劑也。

繆仲淳先生曰。欬冬花其味辛甘溫而無毒陰中含陽
散也降也辛能散而能潤甘能緩而能和溫則通行不
滯善能降下。欬逆上氣喘嗽喉痺寒熱邪氣消渴喘息
呼吸諸病一皆氣升火炎之勢也。氣降則火自降氣降
則陽交于陰水火既濟既濟則火不上炎氣不逆升時
不受邪得清肅之官道而諸證自退矣。

李士材先生曰。雪積冰堅。欵花偏豔。想見其純陽之氣。故其主用。皆辛溫開豁也。却不敢助火。可以嗽方久任。

○集方治痰嗽生方帶血。用欵冬、花百合各等分。焙燥。爲極細末。煉蜜丸。如龍眼大。每臥時嚼一丸。薄荷湯下。

久嗽噲化丸。用欵冬、花蒞、甘草、百部、川貝母、桑白皮、天花粉、玄參、紫苑各二兩。俱用蜜水拌炒。北五味、陳皮、桔梗各一兩。龍膽、薄荷葉各二兩。俱微炒。共爲細末。真柿霜四兩。另研。麥門冬、天門冬俱去心。各三兩。酒煮搗膏。和入前末子內。再加煉蜜丸。如彈子大。每日不拘早晚。不時噲化。隨津液嚥下。臨臥更佳。

海上方。治咽喉諸證。腫痛生瘡者。閉塞者。紅腫結核。脹

痛者閉塞不能言語者。結蛾水漿難食者。俱是風熱痰
氣爲患。以用欬冬花五錢。土牛膝三錢。射干二錢。水煎
服。先用米醋陰口。中酒漱。略拔涎痰。後服。此藥卽消。

明子。味鹹苦。氣平。無毒。足厥陰肝經正藥也。又入膽腎

二經

李氏曰。决明子。能明目。故名。生龍門川澤。今處處有之。爲國圃所蒔。夏初生。莖高三四尺。本小。末大。根微紫色。葉似苜蓿。晝開夜合。兩兩相貼。七月開花。淡黃。五出。結莢如初生細豆。長二三寸。莢內結子。其色青碧。味苦。初十數粒。參差相連。狀如馬蹄。下大上銳。十月收采。一種莖葉根形酷似。但本小末尖。葉不夜合者。名爲苙芒。苙荒本莖。所謂山扁豆是也。花亦黃色。五出。結莢如小指。長一二寸。莢中子如黃荊子。而扁。其色褐。味甘滑。二種苗葉花皆可淪茹。及點茶食。如入藥用。惟用長蹄。决明子爲佳。外又有一種草。决明。葉黃銳。赤華。結實如山。决明。中謂之薜荔。與此二種實不類。

○决明子。祛風散熱。清肝明目之藥也。肝開竅于目。因而

清肝。故本草單主目疾。去赤障白膜。淚出青盲。搗爛水調。熾太陽穴。治頭風頭痛。又貼心胸。止吐血衄血。作枕

統治頭腦耳目一切風熱諸病。又敷蛇咬解毒。其葉湯淪作蔬食。利五藏。解一切蘊熱甚良。但味鹹走血氣。寒而散。治目疾。因熱傷血。分致血液凝滯者。罔不相宜。倘屬氣分及風冷致目中諸證者。非所宜也。

王紹隆先生曰。決明子。稟陰精之體。具青陽之用。宜入肝腎。肝開竅于目。瞳子精。腎所司也。

○集方。治肝虛目昏。用決明子。沙蒺藜。甘菊花。俱酒拌炒。槐實。穀精草。女貞實。童便拌炒。各二兩。枸杞子。鹽水洗炒。生地黃。切片。薑水洗炒。各六兩。共爲末。煉蜜丸。梧子大。每早服三錢。○治暴赤風眼淚痛。用決明子。蔓荊子。甘菊花。生地黃。各二錢。荆芥。甘草。玄參。連翹。木通。各一

錢水煎食後服。○治積年失明。用決明子三升磨爲末。每食後粥湯調三錢服。久有效。○治癰瘡延蔓。用決明子一兩爲末。入水銀二錢研不見星。擦破上藥。立瘥。○治發背諸癰毒初起。用決明子。生用一升搗爛。生甘草一兩。水三升。煎一升。分二服。

○茺芒。生道旁。葉如決明而小。性平無毒。火炙。作飲極香。能除痰止渴。

治一切頭風頭痛用決明子蔓荊子柴胡防風天麻黃
苓當歸川芎各一錢五分肥人頭痛是溼痰加半夏白
朮茯苓陳皮瘦人頭痛是血虛痰火加羌活藜蘆白芷
威靈惡心嘔吐頭痛是頭中風寒加羌活藜蘆白芷頭
痛偏左者屬風與血虛倍防風當歸加生熟地黃頭痛
偏右者屬痰與氣虛倍天麻決明子加白朮黃耆頭旋
眼黑惡心兀兀欲吐頭痛者是痰厥頭痛倍天麻蔓荊
子加半夏礬星甘菊花白附子偏正頭痛者是風邪上
及倍防風蔓荊子加薄荷荊芥白芷羌活日重夜輕兒
寒涼頭痛稍止者是熱厥頭痛倍柴胡黃芩加黃連石
膏大黃黑山梔頭項強急者是風痙頭痛加桂枝白芷
頭痛多起核塊者是雷頭風痛連目赤痛發熱惡寒狀
如傷寒加升麻薄荷羌活細辛○治耳鳴鼻塞頭風頭
痛并齒痛目中出淚用決明子乳香沒藥川芎雄黃白
芷玄明粉各二錢共爲細末吹鼻孔中卽止

麥。味苦辛。氣寒無毒。沉而下降之藥。入手少陰。太陽二經。

李氏曰。瞿麥。卽洛陽花。專所在有之。莖細有節。高一二尺。葉似石竹。又似地膚。稍顯開花。田野生者。花大如錢。紅紫色。人家栽者。花稍小而細。有紅紫粉藍斑爛數色。結實如燕麥。內子紫黑而扁。根紫黑色。結實與麥同形。故名。秋後收采。陰乾用。雷氏曰。只用莖殼。不用莖葉。若一時同使。令人氣噎及小便不禁也。

○瞿麥。破血下氣。通利下竅。而行小便之藥也。寒能散熱。

苦能利便。辛能破血。故本草主關格諸癥結。小便不通。決癰腫。破胎娠。下閉血。爲急方通劑也。但性味苦辛而寒。氣猛利。善下逐。凡腎氣虛而小腸無大熱者。忌之。胎前產後一切虛人。患小便不利者。法並禁用。如水腫臃脹。脾虛胃弱者。亦不得輕施。

李東垣洗滌胃糞麥利小便爲君主之用。故八正散專之。若心經有熱。而小腸氣虛。忌服。恐心熱未除。而小腸作病矣。

李時珍先生曰。古方治虛難有。石竹花湯取其破血利竅也。

○集方治小便不利。有水氣者。用瞿麥一兩。天花粉二兩。

雞子二箇。茯苓山茱萸各二兩。共爲末。煉蜜丸。梧子大。

每服百餘丸。日三服。○治癰腫疔瘡。瞿麥燒灰。菜油調。

敷。○治子死腹中。或產經數日不下。以瞿麥煎汁飲之。

立下。○治下焦結熱。小便淋閉。或有血出。或併大便出。

血。用瞿麥穗兩。炙甘草七錢。黑山梔五錢。共爲末。每

服四錢白湯調服。○治目赤腫痛浸淫成瘡用瞿麥搗汁點大眦內。

淡竹葉味甘氣寒無毒入手太陽經。根名碎骨子。

李氏曰淡竹葉所在田野俱有春生苗高數寸莖小葉綠如竹窠如竹米落地所生但柔嫩爲異耳八九月作穗細長一窠數十鬚上結子如麥門冬根而但堅硬土人采其根煎爲汁造麴釀酒甚芳補也名竹葉象形碎骨言其下胎也。

○淡竹葉清心火利小便通淋附之藥也。淡味。五藏無歸。但入太陽利小便爲專用。有走無守證因氣壯火鬱小。

水不利用無不宜。如陰虛清氣不化者。又不可用根性極冷。善能墮胎。催生。妊婦勿輕試也。

○集方治小便不利。淋閉不通。因氣壯火勝者。用淡竹葉一兩。甘草一錢。水通滑石各二錢。水煎服。

○治小兒胎熱。母孕時多食炙煇之物。生下面赤眼閉。口中氣熱。焦啼燥熱。用淡竹葉。甘草。黑豆各三錢。燈心。甘草。水一碗。濃煎三四分。頻頻少進。令乳母亦服。○治小兒胎寒。母孕時受寒。兒生下面色青白。四肢厥冷。大便青黑。口冷腹痛。身起寒慄。淡竹葉五分。燒灰。白朮。桂心。細辛。黃耆。甘草各一錢。俱研細末。每服一分。以乳汁調。

王不留行。味苦。氣平。無毒。陽中陰也。入足厥陰。又陽明衝
任之藥也。

蘇氏曰。王不留行。生江浙河東諸處苗莖俱青。高五六尺。葉脆。莖生似松。莖葉四月開花。黃紫色。或紅白色。如鈴鐸狀。實殼若酸漿子。殼有五稜。殼內包一實。大如豆。內細子。大如黍粟。形圓色黑。根黃如薺。三月收苗。五月摘子。根苗花子通用。

○王不留行。行血止血之藥也。古方治金瘡出血不止。解心熱。鼻衄橫流。又通乳汁。散乳癰。催生達產。行留血。住淋血。兩有奇驗。或人言性走而不守。雖有王命。不能留其行也。古云。穿山甲。王不留。婦人服此。乳常流。乃行血之力耳。如失血。崩漏。病及孕婦。並須忌之。

盧不遠先生曰。命名之義亦奇。吾身有王。所以主吾身。

之氣血。及主氣血之流行者。氣血之留。王不留則留者
行矣。氣血之行。王不行則行者留矣。顧血出不止。與難
產無乳者。兩可用。此其義自見。

○集方。治血閉不行。經脉淋瀝。不行不止。用王不留行一
兩。當歸稍紅花。玄胡索。牡丹皮。生地黃。川芎。烏藥。各三
錢。共爲末。每早服三錢。○治血淋不止。臥久諸藥不效。
用王不留行一二兩。當歸身。川續斷。白芍藥。丹參。各二錢。
分作二劑。水煎服。○治金瘡出血不止。或被刀斧傷損。
亡血。用王不留行一兩。川椒三錢。甘草。炮薑。白芍藥。各
三錢。俱炒黃。爲末。每服三錢。白湯調下。○治鼻衄不止。
用王不留行五錢。濃煎服。立效。○治婦人乳少。因氣鬱。

者用王不留行五錢穿山甲瞿麥穗麥門冬各三錢濃煎汁徐徐飲再食豬蹄羹又以木梳梳乳一日三次○治乳癰初起用王不留行一兩蒲公英瓜蒌仁各五錢當歸稍三錢酒煎服○治難產用王不留行五錢當歸川芎生地黃白芍藥各三錢立產○治疔腫初起用王不留行子蟾酥各等分共爲末丸黍米大每服三丸酒下汗出卽愈

三白草味甘辛氣寒有小毒

蘇氏曰三白草出荆襄南北吳越間今所在亦有凡田澤池畔間尤多三月生苗高數尺葉如薯蕷生小暑後葉端發葉純白如粉五月葉旁遂開花成穗如蓼花狀色白微香結子細小葉根先青延至葉尖則盡青矣

根長而白，虛軟有節，根間白鬚，宛如菖蒲根。
根汁搜麥麩，還醱酒，色氣味甘香，殊勝也。

三白草，利水除濕，化痰逐癥之藥也。此藥性味苦寒，善降。故唐本草稱治水腫脚氣可知矣。陳氏方又言搗汁服，可吐痰癥，散胸中熱涎，則辛寒又善湧也。總療濕熱痰三證在下者降而抑之，故水腫脚氣除在上者湧而散之，故痰癥胸涎退。此乃流利消蕩之劑，寒而有毒，如脾虛久病，胃寒少食者，宜審用之。

○集方治濕熱侵四肢，水腫用三白草連根莖葉一把，大腹皮一兩，生薑皮五錢，白茯苓二兩，水煎服。○治痰癥久不愈，用三白草連葉莖根一總搗爛，絞汁，熱湯頓溫飲一二碗，胸中痰涎盡出也。

葶藶子。味苦辛。氣寒。有毒。氣味俱厚。沉也。陽中陰也。爲手

太陰經正藥。亦入手陽明足太陽經。

別錄曰。葶藶子。出葶藶。平澤田野間。汴京陝西河北州郡亦有之。近以彭城曹州者爲勝。他處者不堪用也。春生苗。葉高六七寸。似薺根而色白。莖葉俱青。三月開花。微黃色。結角。列子。色深黃。類紫。細小如黍粒。味苦。入頂微帶甘者。名狗薺。卽甜葶藶也。月令。流夏。靡草死。靡草卽葶藶。狗薺之屬也。一種單莖向上。葉端出角。其實肥大而短。一種葉近根下。作奇生。如芥。葉其角細長。此皆異種。不可不辨。

○葶藶子泄壅氣下結痰消腫脹之藥也。蓋肺主皮毛。膀

胱主出納津液。肺氣壅閉則津液不行。膀胱病焉。譬之

上竅閉則下竅不通。下竅不通則水氣泛溢爲喘滿。爲

腫脹。爲痰飲積聚。種種之病生矣。按十劑云。洩可去閉。

葶藶大黃之屬。此二味皆大苦寒而利。一洩氣閉。一洩

血閉若葶藶之苦寒氣味俱厚不減大黃又性烈于諸藥以洩陽分肺中之閉亦能洩大便但其性急迅速善逐以行痰決水爲用走而不守誠急方之洩劑也凡脾胃虛弱及眞陰不足之人不可混用如腫滿由于脾虛不能制水水氣泛溢者如小便不通由于膀胱虛無氣以化者如痰嗽由于中氣虛生陽不布而或成喘脹者法皆忌用悞用則輕病轉重重病必危矣慎之慎之

錢仲陽先生曰近時瘡疹流行閉悶不發發熱喘促勢甚危迫用苦葶藶二錢配麻黃延萎荊芥薄荷甘草桔梗熱甚加石膏黃連各一錢一劑瘡疹卽發喘嗽旋止此神方也

沈則施先生曰。方書言諸氣贖脹滿急者。非此不除。宜審要在能食而六脉不强急。和平而尚有神者。投之。如陰竭陽敗。氣結不能自主者。去生不遠矣。何用醫爲。故淮平子云。大戟行水。葶藶洩脹。用之失時。爲害莫量。斯言可玩。

○集方治陽水暴腫。面赤煩渴。喘急。小便短澀。用甜葶藶。

外參秘要

一兩炒研。眞漢防已二兩。共爲極細末。以綠頭鴨血并腦合和。搗萬杵。丸黍米大。甚者空腹白湯下九十九。輕者五六十九。日三夜一。五日止。其效如神。○治痰飲咳嗽。用葶藶子一兩。川貝母一兩。薑製半夏一兩。甘草五錢。牙皂二錢。共爲末。煉蜜和爲丸。彈子大。早晚夜各以

一丸舍之。徐徐嚥下。甚者不過五丸。○治欬嗽上氣不
得臥。或偏體氣腫。或單面腫。肢足腫。並主之。以葶藶一
升。微火炒。研細。以絹袋盛。浸清酒三升。冬七夏三日。徐
徐飲。日三次。夜一次。量其氣力。取微利爲度。如患急者。
不待日滿。卽可絞服。如不使用酒。水煎服亦可。○治肺
壅喘急。不得臥。用葶藶五錢。炒黃爲末。每用大棗二十
枚。水三大碗。煎取一碗。調入葶藶末。再煎取一碗。徐徐
服。亦主支飲不得息。○治頭風頭疼。用葶藶子一兩。煎
湯沐頭。三四度卽愈。

車前子。味苦微甘。氣寒。無毒。爲肝腎膀胱三經之要藥也。

別錄曰。車前出真定平澤丘陵。道中。今江湖淮甸近

汴北地。處處有之。好生道旁。及牛馬足跡中。春初生。莖

細葉。布地如匙。面累年者長尺許。中抽數莖。作穗如鼠

尾。花極細。密。色青。微赤。實如葶藶。色正黑。五六月采。莖

七八月采。實圓。人或種之。蜀中尤尚。土人取根。日

乾。作紫苑。市人不可不辨。莖苗可作菹。大酒瀉。

○車前子。利水道。徹溲便。通精氣之藥也。主小便淋瀝。癢

閉不通。赤白帶濁。或陰莖腫脹。澀痛。精道熱結。不通去

穢濁。而澄源利小便。而不泄精氣。與茯苓同功者也。又

明目。疾療痺痛。行肝疎腎。暢鬱和陰。同補腎藥用。令強

陰。有子。同和肝藥用。治目赤目昏。同清熱藥用。止痢疾

火鬱。同舒筋藥用。能利濕行氣。健運足膝。有速應之神

驗也。但性寒。善走下竅。若內傷勞倦。陽氣下陷之病。皆

不當用腎氣虛寒者尤宜忌之。

繆仲淳先生曰前陰屬肝木。疎泄之竅也。氣化則溺自出。情動則精乃行。氣閉火鬱。溺自停矣。芡苡之子。寒降下行。若車行而前。孰不開讓。何溺之不自出乎。疎泄之義明矣。設情動過節。膀胱虛氣。艱于化而津不行。溺不出者。單用車前。疎泄閉愈甚矣。必加參苓甘麥。養氣節欲。則津自行。溺乃出也。

○集方治小便血淋作痛。用車前子晒乾。甘草減半。共爲末。每服二錢。車前葉煎湯下。○治小便熱秘不通。用車前子一兩。川黃柏五錢。白芍藥二錢。甘草一錢。水煎徐服。○治石淋作痛。用車前子一升。水五碗煎湯二碗。

用白朮三十箇去殼衣淨搗汁和入徐徐飲。○治老人
淋瀝不通身發熱用車前子一兩川牛膝八錢生甘草
三錢水五碗煎二碗徐徐飲。○治孕婦熱淋用車前子
五合黃芩八錢水煎徐徐飲。○男婦久不生育用車前
子當歸各二兩川芎一兩鹿膠龜膠各二兩作丸侵晨
各服二錢白湯下。○治暴赤時眼用車前子一兩柴胡
防風龍膽決明子蔓荊子荆芥羌活各二錢水煎食後
服。○治勞欲過度肝腎空虛眼目昏蒙用車前子一兩
甘菊花熟地黃枸杞子密蒙花淮山藥決明子羊肝爲
丸每早晚各服三錢白湯下。○治久患內障用車前子
熟地黃麥門冬等分爲丸每早晚各服三錢。○治風熱

目暗澁痛。用車前子一兩。川黃連五錢。共爲末。每食後服一錢。日二服。○治熱痢澁痛。小水不通。用車前子。白芍藥各一兩。川黃連五錢。黃芩。黑山梔。澤瀉。滑石各八錢。分作二帖。水煎。食前服。○治四肢痿痺。作痛。筋脉不舒。用車前子二兩。木瓜。川牛膝。虎骨。草薢。葳靈仙。紅花各一兩。浸酒飲。○治產難。并橫逆不出。用車前子。川牛膝各二兩。當歸。川芎各五錢。俱酒炒爲末。每服三錢。酒調下。如不飲酒。白湯調下。○治瘡疹內閉。入腹。身腫舌強。用車前子爲末。白湯調服一錢。日三次。

○車前葉味甘。氣寒。無毒。

凡使須一窠九葉。名良。亦可作蔬食。

金瘡出血不止小便不通尿血血淋熱痢膿血乳噎
喉閉等證甘寒能散能利能瀉之藥也。

○集方治金瘡出血不止用車前葉搗爛敷之。○治小水

不通用車前葉一觔水三升煎取一升服。○治小便尿

血血淋用車前葉搗汁五合空心服。○治熱毒膿血痢

疾用車前葉搗汁五合入蜜一合溫服。○治乳蛾喉痺

用車前葉鳳尾草各等分搗爛入霜梅肉五箇生酒各

少許再搗絞汁以鵝羽刷患處隨手吐痰卽消。○治目

赤作痛用車前葉自然汁調朴硝末臥時塗眼胞上。次

早洗去。

治心經蘊熱。藏府閉結。小便赤澀。癃閉不通。及熱淋血
淋諸證。因本氣壯實。有火滯者。宜服此。如酒後恣慾而
得者。則小便將出而痛。既出而癢。亦以此藥主之。用車
前子。瞿麥。蒲蓄。木通。滑石。生梔子。大黃。各一錢五分。生
甘草二錢。川牛膝三錢。加燈心三十根。水煎食前服。○
一方治諸淋不分。虛實。以車前子四兩。川牛膝三
兩。懷熟地。山茱萸。小葉茯苓。各二兩五錢。牡丹皮二兩。
澤瀉二兩。俱用鹽水拌炒。磨爲末。煉蜜丸。梧子大。每早
服五錢。燈心湯送下。

體腸味甘酸。氣平。無毒。純陰之草也。入腎肝胃大小腸五經。

李時珍曰。體烏魚也。其腸黑。此草柔莖。斷之有墨汁出。故名。生江南下濕地。所在坑渠間多有。折似旋覆。此有二種。一種葉似柳而光澤。莖似馬齒莧。高一二尺。開花細白。其實若小蓮房。一種莖硬。枯瘦。頗似蓮花而黃色。實亦竹房。而風南人謂連翹。二種折其莖皆有墨汁出。須臾而黑。俗謂之早蓮莖。八月采。陰乾用。

○早蓮草。涼血解毒。固齒烏鬚髮之藥也。蓋鬚髮易白者。

血虛有熱也。齒牙不固者。腎虛有熱也。此藥純陰涼血。則鬚髮變白為黑。而齒亦因之而固矣。故古今黑汁之草。當以此為勝。若前人之治血痢。止針灸瘡中發洪血。解一切瘡疹痛痒。除頭風頭痛。去目疾翳障。治腸風下血。定風熱牙疼。之數者。何非涼血止血之功也。但陰寒。

之性。沉降之質。雖善涼血。不益脾胃。一見脾胃虛弱。飲食少進。及腸胃澹薄不實者。雖共溫辛補養藥。亦勿輕與服。

○集方治鬚髮早白。七月卅。取旱蓮草連根一觔。酒洗淨。青鹽四兩。淹三日。同汁入鍋中。炒焦如炭。存性。研末。白用擦牙。連津嗽之。○治飲食甘肥。炙燂過度。成血痢病。用旱蓮草一握。切碎。川黃蓮二錢。白芍藥五錢。水煎服。○治針灸瘡中出血不止。用旱蓮草搗爛敷之。立止。○治一切疔腫癰疽惡瘡。用旱蓮草一觔。連根洗淨。搗爛。取汁以熱酒一碗。和飲。渣敷患處。不過三服。乃安。○治頭風頭痛不拘偏正。用旱蓮草搗汁。滴鼻中。或飲汁亦

可。○治一切眼疾翳膜遮障。并頭風頭痛。用鮮旱蓮草
一把。澤蘭葉一把。水洗淨。畧乾。俱搗汁。入淨磁瓶內。密
封。埋土中一尺許。五十日取出。每臥時以骨簪挑少許
點兩背。摩頂上四十九遍。久久自效。○治腸風藏毒下
血。用旱蓮草水洗淨。用薑汁酒浸一宿。晒乾爲末。每早
服二錢。米湯下。○治小便下血。用旱蓮草。車前草。各等
分。搗汁。空心服三盞。自愈。○治風熱牙疼。用旱蓮草數
莖。入鹽一匙。于掌心揉擦。卽止。或云煎湯嗽口。亦可。

治烏鬚神方。取鱧腸草採鮮者五十觔搗汁浸真女貞寶馬料黑豆各一斗浸七日濾出晒一日再浸再晒以鱧腸草汁盡上旣蒸一日再晒乾少酒陳酒微濕再蒸再晒計九次微炒燥磨爲末拌生薑自然汁八兩好川椒去閉口及蒂者爲末五兩和勻煉蜜丸梧桐子大每早晚用五錢食後酒送下。

治一切齒病用鱧腸草炒焦黑成炭研末見證配後藥擦之。如齒痛牽引頭痛脫石膏細茶芽茶末如齒痛油風配乾薑藥水末如齒痛有蟲配乾薑細茶花椒末如齒痛兼牙齦出血餘者配人參末或千年古石灰末配人參可照配石灰末擦齒不可嚼用白湯漱口吐之如齒痛成牙疳配硼砂黃連枯礬末如齒痛動搖不堅無方嚼食物者配補骨脂沒石子青鹽末已上所配諸藥俱爲細末和鱧腸草末擦之。

道翹味苦氣平無毒氣味俱薄輕清而浮升也陽也入

足少陽手足陽明手少陰經。

別錄曰連翹出太山山谷今汴京及河中江寧潤淄澤
充隅岳利諸州皆有之。蜀中者為勝蘇氏曰有大翹
小翹兩種大翹生下濕地或山岡上葉青翠如榆葉水
蘇莖莖高三四尺而色稍赤獨莖情開花黃色可愛。二
秋着子似蓮實之屬亦若椿實之未開者翹出眾草殺
小堅外完無附莖剖之中解氣甚芳香實纒乾振之即
落若不著莖根如青蒿之白硬也小翹生同原之上莖
葉花實皆似大翹但細小耳古人莖葉花實並用今惟
用實未見用莖葉也今南方一種莖短葉小實惟黃黑
子如粟粒乃早蓮也又一種如茜苗殼柔軟外有附莖
袍之且無解脈亦不芳香乾之
不落久着莖上功別出。

○連翹散風清熱解毒之藥也。水引主癰癤結核諸瘡癰腫

熱毒熾盛未潰可散已潰解毒眼證腫赤澁痛耳證昏

塞暴聾頭證頭風眩痛喉證脹閉不通或腮腫齒疼或

舌破生瘡。武痘瘡痲疹。隱現出沒。以上諸證。皆心肝膽腎四經之病。此藥清標芳馥。善解風火痰氣鬱結。所以其輕揚之性。上行最專。苦寒之氣。下行更力。所以耳目口鼻咽喉齒舌之間。頸腋背脊。胸腹肢脇足膝之處。靡不奏功。但涼散之性。清而無補。如癰疽已潰者。火熱風痰。由于虛者。脾胃薄弱。易于作瀉者。俱不可投。

李東垣先生曰。連翹于十二經瘡藥中。不可無。此謂表裏上下氣血之分。咸需之耳。

盧不遠先生曰。連翹治鼠瘻癰腫瘡核。皆從結氣所生。取其象形。易落而能自散也。

沈則施先生曰。連翹從荆芥而治風熱。從芩連而治火

熱從大黃而治燥熱。從蒼栢而治濕熱。從歸地而治
熱。從貝半而治痰熱。從山梔而治鬱熱。從甘麥而治煩
熱。從金銀花、紫花地丁而治疔腫瘡毒之熱。

○集方治瘰癧結核及馬刀諸瘡。用連翹半、夏川貝母、金

氏同復

銀花、玄參、甘草、薄荷、夏枯草、白芨、白芷各等分爲末。食

後白湯調服二錢。○治乳癰乳核。用連翹、雄鼠黃、蒲公英、

英、川貝母各二錢。水煎服。○治熱毒初起。用連翹、甘草

各一兩。酒水各半煎服可散。○治目病腫赤澀痛。用連

翹、柴胡、荆芥、白芷、羌活、防風、草決明、蟬蛻各一錢。甘草

六分。水煎服。○治耳病。忽然昏閉不聞。用連翹一兩、蒼

耳子二兩。水煎濃汁。徐徐服。○治頭風眩痛。用連翹、天

麻防風橘紅半夏各三錢白朮一錢水煎服。○治咽喉
閉脹不通用連翹膽星薑製半夏陳皮桔梗各三錢荆
芥三兩水煎數碗徐徐服。○治牙腮腫脹作痛用連翹
白芍藥半夏各二錢桔梗甘草各五分水煎服。○治一
切風火寒蟲四種牙痛用連翹五錢黃連一錢防風荆
芥白芷蔓荊子各二錢吳茱萸川椒細辛各五分水煎
服。○治舌破生瘡用連翹五錢黃柏三錢甘草二錢水
煎含嗽卽愈。○治痘瘡欲起未起用連翹桔梗甘草各
一錢防風荆芥蟬蛻羌活薄荷各二錢水煎服。○治赤
遊癰毒用連翹一味煎湯飲之。

連翹根味甘微苦氣寒有小毒治傷寒瘡熱在裏欲發
黃者有際黃連翹根赤小水湯此張仲景方也。

藍澱味苦辛氣寒無毒。

其澱。澱澱在下。故名。或作旋。俗作旋。

李氏曰。有人以地窖中貯水一石。以藍葉數十。浸一宿。入石灰若干。攪之。干轉。溢去水。則青黑色。亦可乾。或川藥青碧。其絲浮油。取出。除乾。謂之澱花。卽土青也。

○藍澱解熱毒散腫結殺蟲積之藥也。乃藍與石灰作成。其氣味與藍稍有不同。而拔毒散腫殺蟲之力似勝于藍也。古方有謂能止血者。乃金瘡跌撲傷損皮肉出血也。一敷卽止。時人誤認止血。投入吐衄血證。服食藥中。內有石灰。雖涼而燥。何堪入口。誤食反致燥毒入咽。轉加騷動血藏。蒙害者多。審之慎之。

陳廷采先生曰。按藍花治小兒疳蝕消瘦發熱。屢有奇功。歌曰。小兒雜病變成疳。不問強羸女與男。腹內時時

如疔痢青黃赤白五般干眼澁面黃鼻孔赤穀道開張
不忍看煩熱毛焦時日渴皮膚枯槁四肢癱唇焦嘔逆
不乳哺壯熱憎寒臥不安此方只是青黛散取效猶嫌

服聖丹

○集方治時行天泡瘡用靛青和甘草末猪膽汁調敷○
治小兒腹內疳蟲瘕積用靛青一兩配入白牽牛子末
三錢和入靛青內丸粟米大每服五分白湯下○治口
鼻急疔用靛青敷之令遍日十次夜四次○治誤吞水
蛭并一切毒蟲用靛青調水飲即瀉出

藍味苦微甘。氣寒無毒。至陰之藥。入心肝肺脾四經。

別錄曰。藍生河內平澤。其莖葉可以染青。以犬糞者爲勝。今處處有之。人家園圃作畦種蒔。至春末生苗。高二三尺。葉似水蓼。花紅白色。實亦若蓼子而黑色。五六月采實。但可染碧。不堪作藥。此名蓼藍。卽醫方所用者也。李氏綱目曰。藍凡五種。各有主治。惟藍實專取蓼藍者。蓼藍葉如蓼。五六月開花成穗。其形細小。其色淺紅。其子亦如蓼。歲可三刈。故先王禁之。蓼藍葉如白菘。馬藍葉如苦蕒。卽郭氏所謂大葉冬藍。俗所謂板藍者。二藍花子。並如蓼藍。吳藍長莖花白。木藍長莖如決明。高者三四尺。分枝布葉。葉如槐。七月開花。淡紅色。結角長寸許。纍纍如小豆。其子亦如馬蹄。決明子而微小。迥與諸藍不同。而作假則一也。別有甘藍可食。見本條下。

○藍通治解熱毒。化蟲癥。蘇敗血之藥也。雖有五種之別。而味性不遠。總能解毒除熱。若藍實者。解諸毒。殺蠱蚊。通關節。消毒腫。治經絡中結氣。若蓼藍葉汁者。殺百藥毒。如狼毒。射罔。蜂螫。斑蝥。芫青。樗雞。蠮螋。蜈蚣。蜘蛛。朱

砂砥石。諸般毒物飲之立解。若馬藍者。治婦人收血留
連。不能分歸經絡。僅此一端之效。若吳藍者。主治甚廣。
如時行瘟疫。頭痛寒熱。時行赤眼。腫痛畏明。時行丹毒。
遊走皮膚。時行疳疹。紫赤悶脹。時行暴熱。吐血鼻洪。時
行災癘。小兒壯熱驚痰等疾。如中藥箭毒。中金石毒。中
百草毒。中狼毒。中射罔毒。中蛇螫諸毒。煎汁卽飲立
効。若甘藍者。甘滑可食。利五臟。調六腑。通閉結。明耳目。
可作蔬食。諸藍性冷。虛寒人及久泄者勿用。諸藍功效。
方書久未分列。朱按蜀刻舊本。特表而出之。以俟後之
君子。再加詳正可也。

○集方。治毒箭傷人。用藍實。或藍葉。搗汁飲之。渣敷患上。

○治大人小兒中蠱毒。忽下血欲死。搗蓼藍汁飲之。
○治飛絲赤目熱痛。用吳藍葉八兩。車前葉二兩。共煎藥
一兩。水煎服。○治天泡熱瘡。用吳藍葉搗敷之。○解一
切諸藥毒。并毒禽獸毒蟲螫諸毒。俱用蓼藍葉汁飲之。
○治疔疹不出。快用吳藍根一兩。甘草一錢。爲末。每服
五分。或一錢。取雄雞冠血二三滴。同溫酒調下。○治齒
齧腫痛。用吳藍燒灰敷之。日五度。○治唇口生瘡。積年
不瘥。以蓼藍葉一觔。搗汁洗之。三度瘥。○治一切毒蛇
毒蟲所傷。并一切毒藥毒食。俱用蓼藍葉搗汁飲之。冬
月用湯頓服。

青黛味鹹氣寒無毒

李氏口黛眉色古入婦人眉滅以此描之故謂之黛此物從波斯國來色紫碧鐵輕滑者佳今以太原并廣陵南康等處藍靛花浮萍用之與青黛同功然究其波斯國青黛亦是藍靛花既不可得則中國靛花亦可用其者常以乾靛花充之然有石灰入服食藥中須以水飛淨灰脚晒乾用○世人以其色青爲六辨清解之藥膠甚矣真青黛出波斯國既不可得不如用藍寶或藍葉搗自然升無間雜者良

○青黛清藏府鬱火化膈間熱痰爲大人之聖劑定驚疳殺蟲氣消癖積乃童稚之靈丹其味鹹寒稟水土之氣以成主一切熱毒瘡腫并蛇虺蟲螫毒物及鼠犬所傷敷貼立奏効也既稟水土陰寒之氣以成解毒除熱固其所長古方多有利用之如陰虛內熱火氣因空上炎發爲熱病或爲吐衄咯唾血證用之非宜司醫者當詳審

之。

○集方。

朱氏方

治五藏鬱火外寒內熱口渴便閉用青黛黑山梔

炙甘草白芍藥川黃連防風各等分水煎服○治胸膈

有頑痰鬱熱用青黛貝母知母天花粉甘草各等分水

煎服○治小兒驚癇用青黛三五分量大小白湯調服

○治諸毒蟲用青黛一兩雄黃蕪夷各五錢爲極細末

蜜水調服○治小兒癖積肚大青筋用青黛一兩研極

細以雞肝爲丸每早晚各服一九白湯化下○治小兒

耳疳出水用青黛甘栢各等分共爲末乾糝○治風弦

爛眼用青黛黃連煎湯日洗○治產後發狂用青黛三

錢爲末煎四物湯調灌○治瘰癧未破用旋花共馬齒

莖爲末煎四物湯調灌○治瘰癧未破用旋花共馬齒

藜蘆寒無毒陰中微陽

陸氏曰藜生雷澤川澤雖生各處多在水旁而葉而尺餘葉大色淡綠莖節間如繭腰有紅色藜類甚多有青香水為紫赤木藜七種紫赤二藜葉小秋而厚青香二藜葉亦相似而俱薄馬水二藜葉俱潤大上有黑點木藜又名天藜莖生葉似柘葉六藜花皆紅白子皆大如胡麻赤黑而尖扁惟木藜花黃白子皮青滑諸藜皆冬死惟香藜宿根重生其苗可為生菜李氏曰古人種藜為蔬取子入藥故禮記烹雞豚魚鼈皆實藜子腹中而和羹膾亦須加藜也後世飲食不用人亦不復栽蒔惟造酒麴者用其汁耳今但以平澤所生香藜青藜紫藜為良

○藜苗葉生用搗汁和酒飲能入腰脚治熱壅氣滯諸疾日乾釀酒能行周身主風熱風冷頭風目障諸疾但性冷善攻善行不可多食恐傷胃氣病寒熱少氣損髓之

證忌之

蓼實散鬱火除目障下水氣消癰瘍之藥也。凡濕熱痰疾有干血分者服之尤良。但性寒伐胃中病卽止不可

多食。

○集方治胃脘冷不能飲食耳目不聰明四肢有浮氣冬

臥足冷八月取蓼苗葉日乾計五十觔水六石煮取一

石去滓拌糯飯如遊酒法待熟日飲之半月後目明氣

壯也○治血氣攻心痛不可忍用蓼根洗剉浸酒飲○

治惡犬咬傷用蓼葉搗爛敷之○治霍亂轉筋因暑熱

濕熱者用蓼葉一觔水三升煮取一升入香豉一合更

煮半升分三服○治目障不明以蓼子炒黃食後服三

錢白湯過○治水氣浮腫用蓼子生搗汁和白湯飲○

治瘰癧用蓼子炒黃每食後吞二錢酒過

外有馬蓼水蓼二種馬蓼又名大蓼生下濕地高四五尺莖斑葉大中有黑跡如墨點記其最大者名水蓼葉也水蓼生淺水澤旁葉長五六寸比水薺葉稍狹比家蓼葉稍大莖赤色今造酒家以水浸葉取汁和麴作麴亦取其辛香耳諸蓼苗葉子其功彷彿亦可通用

水英

蘇氏曰唐天寶左言此草生永陽池澤及江湖河海邊土人呼爲牛薺草河北河內呼爲水節又爲水棘劍南蓬寧等郡呼爲龍移草淮南諸郡名海薺嶺南名海精又名魚津草云莖葉肥大

○按蘇氏言蜀人采其花合面藥凡丈夫婦人無故兩脚

腫滿連膝脛中痛屈伸急强者名骨風其疾不宜鍼灸及服藥每日取此草五觔以水一石煮至三斗入缸內熱通和將兩脚浸并淋膝上日夜三四度不經五日卽瘥屢用神驗其藥春取苗夏取葉及花秋冬用根腫甚者加生椒目二升淋洗畢卽避風并忌雞鵝猪魚羊肉鴨蛋生菜等物○李氏曰此草不著形狀氣味無以考證苺菜亦名水英不知是否以俟查正可也

篇蓄味苦兼瀉微甘氣平無毒降也入足太陽膀胱經

別錄曰篇蓄生東萊山谷處處有之春時蔓延布地好
生道旁苗似麩麥弱莖似節節紫赤似銀膜葉細綠似
莖竹三月花開節間甚細微色青黃或淡紅似
蔞藍花狀細細子根似蔞藍根云王芻節此也

○篇蓄利濕熱通小便之藥也其性直遂下行故本草治

五淋癰閉黃疸瘡疥小兒疳蚘女人陰蝕諸疾凡屬熱
濕壅閉爲患如物隔而易藏蓄而不出者此藥推而下
流使淋者止閉者通疸黃者散瘡疥者淨而疳蚘陰蝕
必自已矣但味性苦瀉而消耗如胃弱脾虛而作黃疸
陰虛而至淋閉者宜詳用之

○集方治熱淋瀝痛用篇蓄煎湯頻飲○治熱濕黃疸用

篇蓄搗汁一二碗食前後皆可飲○治遍身熱血疥瘡

用篇蓄二兩歸尾一兩水煎頻飲○治痔發腫痛用篇蓄汁服一二碗于食前○治惡瘡疥癩或作痛用篇蓄搗爛封亦上卽止○治蛇咬心痛面青口出白沫垂死取篇蓄十觔剉碎水一石煎至一斗去滓入砂鍋內緩火熬如饒隔宿勿食空心服一碗蟲卽下也歌云心頭急痛不能當我有仙人海上方篇蓄醋煎通口噤管教卽刻便安康○治婦女陰蝕用篇蓄煎湯乘熱通手頻洗

刺蒺藜味甘微苦氣溫無毒

李氏曰蒺藜也。蒺利也。其刺傷人甚疾而利也。此藥于山東諸路及秦州多生。道旁春時布地。蔓生細葉。入夏作碎小黃花。秋深結實。三角四刺。實有仁也。人行多着木屐。易云。縻于蒺藜。言其凶傷。詩云。蒺藜有刺。不可補也。又有一種細蒺藜。生同州沙苑。牧馬草地上。亦作蔓。生華間。密布細刺。葉如初生皂莢。葉整齊。可觀。七月開黃紫花。如豌豆花而小。九月結實。作莢子。長寸許。內子如麻。碧綠色。狀如羊腎。嚼之若新茶香。頃則轉作豆腥氣。隔紙微炒。色香勝。苞微火煎。煮津液不竭者。乃真也。沈則施曰。刺蒺藜與沙苑細蒺藜名雖同。而實二種。功用氣性亦異也。刺者有稜刺。以蒺藜籠固宜。不知沙苑出而細者。形如羊腎。大如黍粒。無稜。無刺。以蒺藜稱。何所取義。而云然。今附錄。

刺蒺藜去風下氣行水化癥之藥也。其性宣通快便。能

運能消行肝脾滯氣。多服久服。有去滯之功。別錄。主身

體風癢。燥澁頑痺。一切眼目翳障等疾。甄氏方。主筋結

癰瘍肺癰肺痿欬逆膿血等疾蘇氏方主水結浮腫氣
臌喘滿疽黃脚氣等疾李氏方主血結成癥奔豚癭疝
喉痺胸痺乳難乳岩等疾總而論之別錄所主者風甄
氏所主者氣蘇氏所主者水而李氏所主者卽取其化
癥之意也然四家之說雖有不同究其三角四稜善干
磨運去滯生新是其專成故婦科方中以此催生墮胎
良有以焉但其性溫多燥如陰虛不足精髓血津枯燥
致疾者俱禁用之

○集方治身體風癢燥

方集出雜藥

澁頑痺用刺蒺藜四兩帶刺炒磨

爲末胡麻仁二兩湯泡去衣搗如泥葳蕤三兩金銀花
一兩炒磨爲末四味煉蜜丸早晚各服三錢白湯下○

治眼疾翳障不明。用刺蒺藜四兩，帶刺炒。葳蕤三兩，炒。共爲散。每早服，食後三錢。白湯調服。○治瘰癧膿潰。不乾。用刺蒺藜八兩，帶刺炒。牡丹皮三兩，炒。當歸身四兩，炒。共爲末。蜜丸。早晚用。○治肺癰肺痿。欬唾膿血腥穢。用刺蒺藜五兩，帶刺炒。百合川貝母各一兩，炒。每早晚各服三錢。白湯調送。○治水結。四體虛浮。或膨脹喘急。用刺蒺藜一觔，帶刺炒。葶藶子三兩，炒。白茯苓四兩，炒。共爲末。作散。每早午晚一日三次。每次白湯調服三錢。○治黃疸。用刺蒺藜五兩，帶刺炒。茵陳蒿四兩，炒。俱爲末。每早晚各取五錢。水二碗。煎湯飲。○治一切腳氣。不問虛實寒熱。用刺蒺藜八兩，帶刺炒。木瓜五兩，炒。共爲

末每早服五錢。白湯調服。○治惡血積聚。或成癥瘕。用刺蒺藜一觔。帶刺炒。乾漆二兩炒。俱爲末。水發爲丸。如菜豆大。每晚飯後臨睡服二錢。酒下。○治奔豚癥瘕。用刺蒺藜十兩。帶刺炒。小茴三兩炒。乳香沒藥各五錢。瓦上焙出汗。俱爲末。每服三錢。白湯調服。○治喉痺不通。用刺蒺藜四兩。帶刺磨爲粗末。煎湯徐徐飲之。○治胸痺。膈中脹悶不通。或作痛。用刺蒺藜一觔。帶刺炒。磨爲細末。每早午晚各服四錢。白湯調服。○治乳脹不行。或乳岩流癰。作塊腫痛。用刺蒺藜二三觔。帶刺炒爲末。每早午晚不拘時。白湯作物調服。○治難產。或胞衣不下。或胎死在腹中。用刺蒺藜四兩。帶刺炒。五靈脂水淘淨。

砂土二兩。川貝母二兩。共爲末。白湯調服三錢。未下再

服。○治百病積聚。用刺蒺藜帶刺炒一觔。爲末。水發丸。

早晚食前後服三錢。○治鼻塞出水。或多年不聞香臭。

取刺蒺藜二兩。研極細。水二大碗。煎取半碗。仰臥先含

飯滿口。以蒺藜湯一合灌入鼻中。不通再灌。令嚏出息。

肉似赤蝟蟲狀。卽愈。○治齒牙動搖。或打磕棚傷者。用

刺蒺藜帶刺生研五錢。以鹽湯稀調。漱口甚効。或以根

燒灰揩牙。卽牢固也。○治一切疔毒腫痛。用刺蒺藜帶

刺研末。熬膏。以醋和調。封頭上。拔根滅毒。

沙苑蒺藜

味甘。性苦。色黑。樣形如羊腎。細如簪子。與藜子酷相類。但馬藜上。形非羊腎。稍粗大耳。須細辨之。

○沙苑蒺藜補腎益精之藥也。其氣清香。能養肝明目。潤澤腫人。色黑象腎。能補腎固精。強陽有子。不烈不燥。兼止小便遺瀝。乃和平柔潤之劑也。

○集方沙苑蒺藜同蓮鬚山茱萸五味子覆盆子鹿角膠龜膠魚膠枸杞子熟地黃決明子白茯苓等輩作膏丸服之。駐顏色益氣力。明目疾延年種子。○治脾胃虛飲食不消。濕熱成膜。脹者用沙苑蒺藜二兩酒拌。以道芽山蒼朮八兩米泔水浸一日。晒乾炒。研爲末。每服三米湯調服。

穀精草味苦微辛氣寒無毒入足厥陰陽明經

李氏曰穀精草江湖南北俱有春時發生荒穀田中莖葉如乳星喂馬令肥又主蟲鼠毛焦之疾一種莖長有節根葉赤者出秦嶺間亦可入藥

○穀精草祛風清火之藥也開寶方主喉痺目障齒痛頭風瘡疥諸疾五證皆君相二火上壅攻作熱則生風風火相扇故爲是病此藥輕浮潔白秋成得辛清肅之品也喉齒頭目瘡疥之疾本乎風火爲患故悉主之其喂馬主蟲鼠毛焦等病者以馬性多熱又爲風熱所傷故爲是病宜其用之原其人肝清調肝氣又爲眼科散目醫之要藥而兒科諸疳雀目之證亦必需之除喉齒頭目疾之外餘無他用

本草綱目卷四
一ノ卷四
繆仲淳先生曰此藥于田中收穀後多有之田低而穀
爲水腐得穀之餘氣而生故曰穀精其亦得天地之和
氣者歟兔喜食此草故兔糞爲日疾家收用如此草未
出時兔糞又不可用也。

○集方治喉痺急脹用穀精草洗淨搗汁和米醋漱汨喉
間一二次隨消○治目生翳障隱澁淚出用穀精草爲
末以羊肝煮熟竹刀切片蘸食此方治痘後翳障更宜
○治小兒雀目至晚不能視物用羯羊肝一具竹刀剖
開入穀精草一把瓦礫煮熟日食之極効如不肯食搗
爛作丸菘豆大每服三十九茶下○治風熱齒痛以穀
精草搗爛加食鹽少許搗痛處半日効○治瘡疥痒痛

藥膏用穀精草搗爛擦之旋消或日乾同金銀花各半
煎湯飲○治偏正頭風痛用穀精草一兩爲末以麵糊
調攤紙上貼痛處乾後或用穀精草末銅綠各一錢火
硝三分共研極細貼左右囑鼻○治頭腦痛并眉骨痛
用穀精草二錢地龍三錢乳香一錢共爲末每用五分
以紙裹筒燒烟隨左右熏鼻

海金沙味甘淡微苦氣寒無毒沉也降也入足少陰手足
太陽經血分藥也

李氏曰海金沙出黔中江浙湖湘川陝皆有生山林下
莖細如線引竹而上高尺許葉如圓菱細而且薄而背
俱青嫩紋中有沙狀似蒲黃不作花實根細堅強沙及
莖葉皆可入藥七月采其全科日中曝之少乾用紙承
覆以杖擊之有沙落紙上
且曝日擊以少盞為度

○海金沙淡寒利竅之藥也專通利小便主熱血膏淋莖

中澁痛等病又主陽明氣熱傷寒熱狂之疾此釜底抽
薪之義也但其性淡滲而無補益小便利及諸淋病
由于腎水真陰不足者勿用

盧不遠先生曰似金而體輕似沙而質滑草氣之生沙
猶水體之成冰合入足少陰腎足太陽膀胱主溺沙石

者恰當。

○集方治小便不通

經本臍下滿悶

用海金沙一兩臘茶五錢

共爲末每服三錢甘草湯調下。○治血淋并淋方澀痛但利水

道則清濁自分用海金沙末蜜湯調服一錢。○治淋

如油七八分用海金沙滑石各一兩甘草梢三錢共爲末每服

二錢麥門冬煎湯調下早晚各一次。○治熱淋急痛用

海金沙一兩滑石三錢車前子五錢三味共研極細每

服三錢白湯調。再加生白菜汁五六匙早晚各一次。○

治傷寒陽明實熱用海金沙五錢配山梔子牙硝礞石

各三錢共研細每服三錢早午晚各一次白湯調下。○

治濕熱腫滿腹脹如鼓喘不得臥用海金沙五錢白茯

苓二兩。甘草二錢。黑丑頭末一兩。共爲末。每服一錢。白湯調下。早晚各一次。

見腫消。味酸苦澁。有微毒。

蘇氏曰。見腫消。古生筠州。今南北地俱有。春生苗。葉帶紫色。高一二尺。葉似桑而光。而青紫赤色。永不枯時。

見腫消。消癰疽。腫毒。及犬咬傷。損搗葉貼上。卽消。

○集方治一切腫毒。及傷寒遺毒。發于耳之前後。及項下。

腫硬。用見腫消。配白芨。白朮。大黃。大薊根。山慈姑。葶麻根。各等分。生搗成餅。入芒硝一錢。和貼患上。留頭乾卽易之。

紫花地丁。味苦辛。氣寒。無毒。

李氏曰。紫花地丁。處處有之。其葉似柳而微細。夏開紫
花。結角。平地生者。起莖溝渠邊生者。起莖。又鄉村籬落
邊生一種。夏秋開小白花。如鈴兒倒垂。葉比
紫花者稍短。恐與紫花者相戾。宜辨明用。

○紫花地丁。解一切惡瘡疔毒之藥也。故綱目方治癰疽。

諸發疔腫。一切無名惡毒。搗汁和生酒服。將滓敷患
上。立時消解。此仙方也。

○集方治癰疔惡瘡。用紫花地丁草連根同蒼耳葉各等

分。搗爛和生酒一鍾絞汁服。○治癰疽發背及無名諸

腫用紫花地丁三伏時收。搗爛以白麵和成餅。用鹽醋

浸一夜貼之。○治疔瘡惡毒用紫花地丁搗汁服。雖極

者亦効。○治喉痺腫痛用紫花地丁葉入醬少許研膏

點入喉間取吐。治黃疽內洗。用紫花地丁爲末白湯

調服三錢。治痘發滯盛作喘。取白化地丁搗汁。燭湯

溫服半盞。立時解毒。治喘。治毒。

半邊蓮。味辛苦。氣平。無毒。

李氏曰。半邊蓮。生陰濕處。葉如蓮。花狀如半蓮。故名。節而生。秋開。小花淡紅色。如蓮花狀。只有半蓮。故名。

半邊蓮。治蛇蝮及諸蟲所傷。絞汁飲。以滓隔塗患處。

効。本經。治方。